



Arkivnr: 2015/5869-44

Saksbehandlar: Eva Vinjevoll

## Saksframlegg

### Saksgang

Utval	Saknr.	Møtedato
Fylkestrafikksikringsutvalet i Hordaland		27.11.2018

### Søknad om tilskot til lokale trafikksikringsarrangement - 1.november

#### Samandrag

Det er sett av 600.000 kr til tilskotsordninga til lokale trafikksikringsarrangement i 2018. Midlane skal nyttast til gjennomføring av trafikksikringsarrangement som er tufta på lokale initiativ, det vil seie trafikantretta tiltak (ikkje fysiske tiltak). Tilskotet er meint å vere ei støtte for å sikre høg trafikkfagleg kvalitet på tiltaket. Det er eit viktig prinsipp at Fylkestrafikksikringsutvalet (FTU) skal kunne vere ein bidragsytar ved lokale initiativ der haldningsskapande trafikksikringsarbeid vert sett på dagsorden.

Etter tildelingane i januar og mai vart det delt ut til saman 569 000 kr til ulike tiltak, det betyr at det gjenstår 31 000 kr som skal fordelast på denne tildelinga med frist 1.november.

Det kom inn éin søknad i denne runda, dei søkte om 15.000 kr. I fylkesrådmannen si innstilling er det lagt opp til ei tildeling på 15 000 kr til eitt arrangement.

**Økonomi:** Tilskotmidlane er henta frå budsjetterte midlar disponert av fylkestrafikksikringsutvalet.

**Klima:** Ingen effekt på klimaet

**Folkehelse:** Tiltaket som er tilrådd midlar vil kunne bidra til auka refleksbruk, noko som er bra for trafikktryggleiken.

**Regional planstrategi:** Satsing på trafikkkunnskap frå ung alder er viktig for å styrke konkurransekrafta til gange og sykling som klimavenlege transportformer.

### Forslag til vedtak

Fylkestrafikksikringsutvalet (FTU) fordeler tilskotsordning av 1. november 2018 til lokale trafikksikringsarrangement slik;

	Søklar	Søknadssum	Tilskot
a	Kløyheim bygdelag	15 000 kr	15 000 kr

Ingrid Kristine Holm Svendsen  
kst. fylkesrådmann

Håkon Rasmussen  
fylkesdirektør samferdsel

*Saksframlegget er godkjent elektronisk og har derfor inga underskrift.*

## Fylkesrådmannen, 09.11.2018

### Bakgrunn

Det er sett av 600.000 kr til tilskotsordninga til lokale trafikksikringsarrangement i 2018. Midlane skal nyttast til gjennomføring av trafikksikringsarrangement som er tufta på lokale initiativ, det vil seie trafikantretta tiltak (ikkje fysiske tiltak). Tilskotet er meint å vere ei støtte for å sikre høg trafikkfagleg kvalitet på tiltaket. Det er eit viktig prinsipp at Fylkestrafikksikringsutvalet (FTU) skal kunne vere ein bidragsytar ved lokale initiativ der haldningsskapande trafikksikringsarbeid vert sett på dagsorden.

Etter tildelingane i januar og mai vart det delt ut 569 000 kr til ulike tiltak, det betyr at det gjenstår 31 000 kr som skal fordelast på denne tildeling med frist 1.november. Søknadsfristane for tilskotsordninga til lokale trafikksikringsarrangement er i 2018 er sett til 1. januar, 1. mai og 1. november. Innan fristen 1. november kom det inn éin søknad, med ein søknadssum på totalt 15 000 kr.

Det har over mange år vore dei same arrangementa som har søkt om tilskot, - noko som er positiv med tanke på lokalt initiativ og interesse, men samstundes er det viktig å ha krav til innhaldet i programmet, og sikre fokus på trafikksikringsdelen.

Ein oversikt over tildelte tilskotsmidlar gjennom denne ordninga viser følgjande:

2011: 11 søknader  
 2012: 16 søknader  
 2013: 15 søknader  
 2014: 18 søknader  
 2015: 18 søknader  
 2016: 20 søknader  
 2017: 27 søknader  
 2018: 21 søknader

I 2018 er det komne inn 21 søknader, det vil sei at det kom færre søknader enn i toppåret 2017.

### Kriteria for tilskotsordninga

- Søknadsfrist tre gongar i året. Det må søkjast på eige skjema.
- Utbetalinga skjer i etterkant av at rapporteringsskjema inkl. rekneskap er motteke.
- Arrangement med ei kostnadsrâme på over 30.000 kr har krav om ein eigenandel på minimum 25%.
- Personalkostnader/eigeninnsats kan vere ein del av eigenandelen. Eigeninnsatsen (timar) må synleggjerast.
- Rett til å søkje: Kommunar, skular, barnehagar, lag/foreiningar/organisasjonar.
- Tilskotmidlane skal ikkje dekke administrative kostnader og andre driftsutgifter.

### Oversikt over søknadane av 1. november 2018

	Namn på tiltak	Søknadssum	Totalkostnad	Søklar	Tilskot	Krav om eigenandel
a	Refleksjakten	15 000	70 000	Kløvheim bygdelag	15 000 kr	x

### Om søknadane til lokale trafikksikringsarrangement

Det kom berre éin søknad til novembertildelinga.

#### a. Kløvheim bygdelag

Kløvheim bygdelag arrangerer for femte år på rad arrangementet «Refleksjakten». Fokuset på arrangementet er viktigheita av å bruke refleks. Målgruppa er barn og barnefamiliar, og barna skal leite etter refleksar i aktivitetsparken. Refleksjakten blir arrangert som eit samarbeid mellom politi, brannvesen, Trygg Trafikk og MC natteramnar. Det blir også demonstrert korleis refleksane verkar. Kløvheim bygdelag har søkt og fått midlar til Refleksjakten tidlegare. Fylkesrådmannen innstiller på eit tilskot på 15 000 kr.

**Fylkesrådmannen sine kommentarar**

Fylkesrådmannen ser det som svært positivt at det i løpet av året har kome inn søknader frå alle delane av fylket, men at det er så få søkjarar i november gir grunnlag for å sjå på søknadsfristane, og vurdere endringar. Nye datoar for søknadsfrist skal difor vurderast i eigen sak.

Grunnlaget for fylkesrådmannen si vurdering av søknadane er at tilskotet som vert gjeve skal vere ei støtte for å sikre høg trafikkfagleg kvalitet på arrangementet.

Fylkesrådmannen rår til at søkjaren vert tildelt tilskot, med ein total tilskotsum på 15 000 kr.